

IMAQARNILIAQ MAA - Meeqqanut Atuarfeqarnermullu Ataatsimiititaq 04-12-2018

Ulloq ataatsimiiffissaq Tirsdag 04. december 2018 kl. 20:00

Ataatsimiiffissaq Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Kvartalit pingajuat pillugu ilisimatitsissut.....	7
Siunissami Kommuneqarfik Sermersuumi timersornermi ornittakkat.....	10
Tasiilami atuarfimmi tivariaatsit atuartitsissutitut atuutilersinneqarnissaat.....	14
Aalajangiiffigisassat.....	17
Suliat Aningaasaqarnermut Inuussutissarsiornermullu Ataatsimiititamut.....	18
Tapiiffigitinnissamut malittarisassat nutarternissaannut siunnersuut.....	19
Evt.....	25
Suliat matoqqasut.....	26
Lukket.....	27
Imaqarniliap akuerineqarnera.....	28

Punkt 0: Saqqaa

<p>Henrik Rachlev (IA)</p> <p>Knud Mathiassen (IA)</p> <p>Uju Petersen (IA)</p> <p>Thiiooq Knudsen (S)</p>
<p>Michael Rosing (SA)</p>

Punkt 1: Oqaluuserisassat akuerineqarneri

Beslutning

Oqaluuserisassat akuerineqarput nal. 16:01

Punkt 2: Nalunaarutit

<p>2A. Siulittaasumit nalunaarutit</p> <p>2B. Ingerlatsivimmit nalunaarutit</p>

Beslutning

2A: Soqanngilaq

2B: Soqanngilaq

Punkt 3: Ilisimatitsissutit

Punkt 03A: Kvartalit pingajuat pillugu ilisimatitsissut

Beslutning

Ilisimatitsissut tusaatissatut tiguneqarpoq

Bilag

Bilag 1_Samlet 3. kvartalsorientering_KAL.docx

Kvartalit pingajuat pillugu ilisimatitsissut

Peqqinneq Susassaqtitsivillu

Ilisimatitsissut

J.nr.: 55.00

Meeqqanut Atuarfeqarnermullu Ingerlatsivik – pisortaq Helene Broberg Berthelsen / HEBE

Suliassamik eqikkaaneq

Peqqinnermut Susassaqtitsinerimullu Immikkoortortaqrarfiup 2018-imi kvartalit pingajuanni anguniakkatut angusimasat nalilersoqqammerpai. Kvartalikkuutaartumik nalilersukkat Meeqqanut Atuarfeqarnermullu Ataatsimiititamut ilisimatitsissutit ingerlateqqinneqassapput.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- Meeqqanut Atuarfeqarnermullu Ataatsimiititamut ilisimatitsissut tusaatissatut tiguneqassasoq

Suliassamik saqqummiussineq

Peqqinnermut Susassaqtitsinerimullu Immikkoortortaqrarfimmu 2018-imi kvartalit pingajuanni kvartalikkuutaartumik nalilersuineq. Peqqinnermut Susassaqtitsinerimullu Immikkoortortaqrarfik tamatuma saniatigut Paamiuni, Tasiilami Ittoqqortoormiinilu immikkoortortaqrarfeeraqarpoq kiisalu Sermersooq Nipilersornermik Ilinniarfimmik aamma Naluttarfik Malimmik.

Kvartalit pingajuat 2018 – Juuli, aggusti septembarilu

Ittoqqortoormiit Peqatigiiffik Kalaallit Meerartaat Ittoqqortoormiini tammaarsimaartitsinermik aqqissuisimapput. Tammaarsimaarfik taaguuteqartinneqarpoq Camp East Paamiunisulli aamma iluatsilluarsimalluni. Tamatuma saniatigut Camp Eastimit Tsaliiniarda – Illoqarfimmik saligaatsuutitsineq, meeqqanik inuusuttunillu qajartortitsineq, Ittoqqortoormiini isikkamik arsarnermut atuarfik KAK ingerlanneqarput.

Tasiilaq

Tasiilami kvartalit pingajuanni qaammatikkuutaartumik aqqissuussinerit ingerlanneqarput, Ivigaaraasanik arsaattarfik ammaanersiorneqarpoq. Tasiilami aasaanerani atuarfik juunimi juulimilu atuarfik suleqatigalugu ingerlanneqarpoq. Tassani sananeq, ikaartiterineq, mersorneq, spilcafe aammalu nerisassiorneq periarfissaasimapput. Tasiilaq aamma Cirqu Arctic 2018-imit tikeraarneqarpoq, tassani meeqqat inuusuttullu akrobatik, akorsittaartarneq, ussersorlunilu pissusilersortarneq allallu pillugit workshoppertitsinerimut qaaqqusaasimapput.

Paamiut

Summer Camp West Peqatigiiffik Kalaallit Meerartaat suleqatigalugu ingerlanneqarpoq. Klovnip Rubenip utoqqaat illuani timersortarfimmilu meeqqat qassinilluunniit ukioqaraluartut aliikkusersorpai. Sunngiffimmi atuartitsineq 2018 – 2019 aallartinnera.

Nuuk

Nuummi aasaanerani sammisassaqtitsisoqarpoq, ilaatigut nerisassiorneq, marriorneq kiisalu sannavimmi sammisassaqtitsineq.

Kammagiittami kiisalu Tatitussutsimi pikkorissartitsinerit ingerlanneqarput.

Sermersooq Nipilersornermik Ilinniarfik Nipilersornermik Ilinniarfimmi meeqqat erinarsoqatigiit workshoppertinneqarput, Tasiilaq Swing Band & Winnie Band ivigaaraasanik arsaattarfittaap ammaanersiornerani nipilersortuupput. Mikkel Andersen ilinniartitsisoq tikeraartoq gitarimik ilinniartitsisuuvoq.

Naluttarfik Malik Aasaanerani Malimmi sammisassaqtitsisoqarpoq, soorlu meeqqanut Vandpolortitsineq, høvdingebold, meeqqanut naleqqussakkamik meeqqanik annaassiniarnermik sungiusaaneq.

Matumanittaaq 2018-imi kvartalit pingajuanni sammisassaqtitsinerit aaqqissuussinerillu sinneri pillugit ilanngussaq innersuussutigineqarpoq.

Aaqqiissutissatut siunnersuut – suliatigut naliliineq

2018-imi kvartalit pingajuanni anguniagassatut angusimasat Peqqinnermut Susassaqtitsinermullu Immikkoortortaqarfimmit naammagisimaarneqarput, taamaattoq anguniakkat innuttaasut pisariaqartitaannut naapertuuttunngorlugit inerisarneqassapput, takukkit Suleqatigiinnissamut isumaqatigiisummi anguniakkat.

Aningaasaqarnikkut sulisoqarnikkullu naliliinerit
Soqanngilaq

Inatsisitigut tunngavissaq allakkallu tunngaviusumik uppersaatitalit

Kulturikkut ingerlatsineq sunngiffimmi sammisassaqtitsineq pillugit Inatsisartut inatsisaat nr 5, 6. juni 2016-imeersoq Inuuneritta II Suleqatigiinnissamut isumaqatigiisummi Meeqqanut Atuarfeqarnermullu tunngasuni anguniakkat uku pillugit. Sunngiffik aamma kulturi.

Ingerlariaqqinnissaq

Kvartalikkuaartumik nalilersuinerit ilisimatitsissutitut Peqqinnermut Susassaqtitsinermullu Immikkoortortaqarfimmit Meeqqanut Atuarfeqarnermullu Ataatsimiititamut ataavartumik nassiunneqartarput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.

Innuttaasunik peqataatitsineq/attaveqatigiinneq

Soqanngilaq

Ingerlatsivinnit allanit oqaaseqaatit

Soqanngilaq

Ilanngussat

1. Peqqinnermut Susassaqtitsinermullu Immikkoortortaqarfimmi kvartalikkuaartumik ataatsimut nalilersuinerit, 2018-imi kvartalit pingajuat

Punkt 03B: Siunissami Kommuneqarfik Sermersuumi timersornermi ornittakkat

Beslutning

Ilisimatitsissut tusaatissatut tiguneqarpoq

Bilag

Bilag 1 - Program for Idrætsseminar i Nuuk - Fremtidens idrætsfaciliteter i KS.pdf

Bilag 2 - GIF's referat af seminaret.pdf

Siunissami Kommuneqarfik Sermersuumi timersornermi ornittakkat

Isumasioqatigiinneq

Ilisimatitsissut

J.nr.: 03.26.03

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Meeqqanut Atuarfeqarnermullu Ingerlatsivik novembarip pingajuanni sisamaannilu 2018 timersorneq pillugu isumasioqatigiittoqarnerani peqataavoq. Isumasioqatigiinnerup qulequtaraa "Siunissami Kommuneqarfik Sermersuumi timersornermi ornittakkat". Timersorneq pillugu isumasioqatigiinneq Kalaallit Nunaanni Timersoqatigiit Kattuffiannit aaqqissuunneqarpoq (GIF), Elite Sport Greenland (ESG) Meeqqanut Atuarfeqarnermullu Ingerlatsivik suleqatigalugu. Meeqqanut Atuarfeqarnermullu Ingerlatsiviup matumuuna timersorneq pillugu isumasioqatigiinnermit ilisimatitsissut Meeqqanut Atuarfeqarnermullu Ataatsimiititamut ilisimatitsissutitut saqqummiuppaa.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- Meeqqanut Atuarfeqarnermullu Ataatsimiititamit ilisimatitsissut tusaatissatut tiguneqassasoq

Suliassamik saqqummiussineq

Arfininngorneq novembarip pingajuanni sapaammilu sisamaanni timersorneq pillugu isumasioqatigiittoqarpoq, taassumalu qulequtaraa "Siunissami Kommuneqarfik Sermersuumi timersornermi ornittakkat". Isumasioqatigiittoqarnerani 70-t missaat peqataapput ilaatigut peqatigiiffinit, kattuffinit, imminut pigisunit, kommunip timersortarfiinit, inuussutissarsiortut, kommunimi qinikkat, timersorneq pillugu siunnersuisooqatigiit, kommunimi ingerlatsivimmiit, Kalaallit Nunaanni Timersoqatigiit Kattuffianniit aammalu Elite Sport Greenlandimi sulisut siulersuisullu.

Isumasioqatigiinnerup ilaatigut siunertaraa maannakkut timersornermi ornittakkanik atuinerup aammalu ornittakkat atuisut amerlassusiinut naapertuunnersut erseqqissumik paasisaqarfiginissaat. Taamatullu kissaatigineqarsimavoq isumasioqatigiinnerup kingornagut sunniutissat peqataasullu akunnerminni suleqatigiillualernissaat pissarsiarineqarumaartut.

Idrættens Analyseinstitut saqqummiussinerminni eqqaavaat, kommunit tassaasut Kalaallit Nunaanni timersornermut tunniussaqaarnerpaat, peqatigitillugulu takutinneqarluni tapiissutit amerlanersaat angalanernut atorneqartartut. Nalunaarsueqqissaartarfik naapertorlugu Kommuneqarfik Sermersooq 2014-imi Kalaallit Nunaanni innuttaasunut sanilliullugu innuttaasumut ataatsimut 942 kr-nik atuisimavoq, taamaattumillu kommune tassaavoq timersornermut amerlanerpaanik aningaasaliissuteqartuusoq.

Lokal og Anlægsfondenip qinnuteqartartut suliassamik ajornanngippat nutaaliornermik attaneqarsinnaasunillu tunngasunik eqqarsartarnissaat orniginartinneruaa. Eqqarsaatigineqartoq tassaavoq aamma illutoqqani nutaaliortoqarsinnaammat, aammalu timersornerup, kulturilerinerup, silami timersornerup sunngiffimmilu siunertat silarsuaanni najugaqarfiit timersorfissartallit pilersinneqarsinnaammata. Saqqummiussap pingasunngorlugu avitap siunertaraa, Sermersuumi innuttaasut sunik pisariaqartitsisuunersut eqqarsaatigineqassasoq. Saqqummiunneqartoq

pingasunik qulequtaqarpoq, peqataasullu eqqarsaatigissavaat, pissutsit maannakkut atuuttut qanoq ilillugit pitsanngorsarneqarsinnaanersut, pisariaqartitat naammassineqanngitsut suunersut aammalu innuttaasut akornanni pissusilersortarnerit qanoq ilillugit allanngueqataaffiusinnaanersut.

Isumasioqatiginnermi peqataasut ilaatigut imaattunik isumassarsiaqarput:

- Nuummi aalanissamut sungiusartarfik
- Kommune tamakkerlugu pitsaaneruseqarfik piffissanik timersortarfinnik atuinnissamik sammisaqarneruneq
- Silami timersuutini atuinerup annertusarneqarnissaa
- Meeqqerivik timersorfiusoq/SFO
- Timersuutit pillugit aasakkut festivaleqartitsineq

Peqataasut aamma isumaqatigiissutigat, Nuuk avataaniit unammiartartorpassuarnut unnuisarfinnik pisariaqartitsiffiusoq. Aammalu peqataasut kissaatigaat piffissat timersortarfinnik atuiffiusartut nutaamik eqqarsaatigineqartariaqartut.

Ingerlatsiviup timersuutit pillugit festivaleqartitsinissaq suliassamisut tiguaa, aqqiissuussinernik assingusunik ingerlatsivik sammisaqareermat. Tamakkua ajornanngitsumik timersorneq pillugu festivaleqartitsinermi atornerqarsinnaapput pitsaaneruseqarfik ataqatigiissarineq aqutugalugu aammalu peqatigiiffiit qanimut suleqatiginerisigut pilersinneqarsinnaallutik.

Aqqiissutissatut siunnersuut – suliatigut naliliineq

Peqqinnermut Susasaqartitsinermullu immikkoortorta q isumaqarpoq, isumasioqatigiissitsinermi siunertaq naammassineqartoq. Maannakkut timersornermi ornittakkat eqqartorneqarput ersarissarneqarlutillu, aammalu ornittakkat suut pisariaqartinneqarnersut erseqqissarneqarluni. Peqataasunit suliassat nutaat isumassarsiallu suleqatigiikkaataani assigiinngitsuni aallarnisarneqarput, tamakkulu kajumissutsimik suleqataaneq aqutugalugu suliareqqinniarpaat. Tamakkua piviusunngortinneqassanersut piffissap takutikkumaarparaa. Ingerlatsiviup suliassa q tiguaa, aammalu malitseqartitsilluni isumasioqatigiissitsinissaq pilersaarutugalugu.

Aningaasaqarnikkut sulisoqarnikkullu naliliinerit

Meeqqanut Atuarfeqarnermullu Ingerlatsivik isumasioqatigiissitsinermi peqataasussat angalanerit 70.000 koruuninik aningaasartuuteqarpoq.

Inatsitigut tunngavissaq allakkallu tunngaviusumik uppernarsaatitallit

Kulturikkut ingerlatsineq sunngiffimmilu sammisassaqartitsineq pillugit Inatsisartut inatsisaat nr 5, 6. juni 2016-imeersoq

Suleqatigiinnissamik isumaqatigiissummi 2017-2021 MA41 anguniagaavoq, qassinilluunniit ukiulinnut tamanut silami illullu iluani timersornermi periarfissaqartitsinissaq.

Timersorneq pillugu politikki 2016

Illoqarfiit pingaarnersaat pillugu pilersaarut

Ingerlariaqqinnissaq

Meeqqanut Atuarfeqarnermullu Ingerlatsivik malitseqartitsilluni isumasioqatigiissitsissaaq

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqarfigineqanngilaq.

Innuttaasunik peqataatitsineq/attaveqatigiinneq

Tusagassiorfinnut nalunaarut.

Ingerlatsivinnit allanit oqaaseqaatit

Soqanngilaq

Ilanngussat

1. Nuummi timersorneq pillugu isumasioqatigiissitsinissami pisussat – Siunissami Kommuneqarfik Sermersuumi timersornermi ornittakkat
2. GIF'p isumasioqatigiissitsinermi imaqarniliaa

Punkt 03C: Tasiilami atuarfimmi tivariaatsit atuartitsissutitut atuutilersinneqarnissaat

Beslutning

Ilisimatitsissut tusaatissatut tiguneqarpoq

Bilag

Bilag 1 Undervisningsmateriale til Trommedans.pdf

Tasiilami atuarfimmi tivariaatsit atuartitsissutitut atuutilersinneqarnissaat

Ilisimatitsissut

J.nr.: 51.00-G01-314-18

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Inuit Ataqaatigiit Demokraatillu Kommunalbestyrelsimi 2017-2021-mut suleqatigiinnissamik isumaqatigiissutaanni, imaattumik anguniagassaliisoqarpoq *"Tunumiut tivariaasiannik ilinniartitsineq nipilersornermik/erinarsornermik ilinniartitsinermut ilaatinneqassaaq"*. Anguniagassaaq imatut nassuiaatitaqarpoq, Tunumiut tivariaasiannik ilinniartitsisinnaasunik piukkunnartunik nalunaarsuisoqassaaq. Tamatuma kingornagut tamanna Tunumi atuarfinni suliaqaatigaluni/nipilersornermik ilinniartitsinermut ilanngutitineqassaaq, aammalu illoqarfinni/nunaqarfinni, ilinniartitsisussanik piukkunnartunik peqarfiusuni.

Tasiilami atuarfiup aqutsisuisa atuarfimmi tivanermik ilinniartitsisoqarnissaanik atuutilersitsinissaq nangittumik suliarisimavaat. Ukiuni atuarfiusumi 18/19-imi atuarfimmi tivasarnerup atuutilersinneqarnissaa sulissutigineqarsimavoq. Atuarfimmi aqutsisut ilinniartitsisut isumasioreerlugit isumaqatigiissutigisimavaat, Tunumiut tivariaasiinik ilinniartitsineq ilinniartitsissutini timersornermi silamilu inuunermi paasiuminarnerussasut.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Tasiilami atuarfimmi aqutsisut misissorsimavaat, tivariaatsit qanoq ilillutik atuarfimmi ilinniartitsissutigineqartalersinnaanersut, ilinniartitseriaatsini kulturikkullu paasiuminarsarlugit.

Atuarfimmi aalajangerneqarsimavoq, tivariaatsit assigiinngitsut marluk, arnanit angutinillu atorneqartartut toqqarneqassasut. Taamatut toqqaanerup kingunerisaanik atuarfiup toqqarppaa, tivariaatsini arnanik angutinillu ilinniartitsisulerluni sungiusaasoqassasoq.

Atuarfiup nalilersimavaa, tivaneq ilinniartitsissutigineqassappat tamanna timersorneq silamilu inuuneq pillugit ilinniartitsissutigineqarnerinut ilaatinneqarpat nipilersornermik ilinniartitsinermut taarsiullugu, tassami ilinniartitsinissami anguniagassani allassimammat, ilinniartitsissutini "timersorneq silamilu inuuneq" qitinnermik timillu aalatinneranik imaqassasut.

Siunnersuutigineqarpoq, atuarfimmi klassit tamarmik ukiup atuarfiusup ataatsip ingerlanerani ikinnerpaamik atuartitsissutini marlunni tivaneq ingerlattassagaat. Tamatuma saniatigut atuarfimmi aqutsisut siunnersuutigaat, sapaatip akunnerani ataatsimi sammisaqartitsinermi, ullormi ataatsimi sammisaqartitsinermi imaluunniit aalajangersimasunik suliaqarluni sammisaqartitsinermi tivaneq atorneqarsinnaassasoq.

Atuarfik tivanermik ilinniartitsisunik arnamik angummillu atorfinitsitsererpoq. Taakku marluullutik tivanermik ilinniartitsinermi misilittagaqareerput. Ilinniartitsisoq arnaq ilinniartitsinermi

najoqqutassanik suliaqareersimavoq, ilinniartitsisoqatini angut suleqatigalugu pitsanngorsaaneq ingerlateqqinniarlugu.

Ukiup atuarfiusup naalernerani taamatut ilinniartitsisimaneq atuarfimmi nalilersorniarnearpoq, taamaasillutik allannguutissat iluarsisassallu ukiup atuarfiup tulliup aallartinnginnerani aaqinneqareerniassammata. Tivanermik ilinniartitsineq aallarnisaatitut ingerlanneqarpoq, tamatumalu kingornagut Tasiilap nunaqarfiinut ingerlateqqinneqassaaq, nunaqarfinni taakkunani ilinniartitsisumik pissarsiffiusinnaasuni.

Ittoqqortoormiini tivanermik ilinniartitsisumik pissarsisoqarsinnaasimanngilaq, taamattumillu ukioq manna ukiumi atuarfiusumi tivanermik ilinniartitsineq aallartinneqarsinnaasimanngilaq. Atuarfik neriuppoq nassaarumaarluni, taamaasillutik ukiumi atuarfiusumi tullermi tivanermik ilinniartitsineq aallartinniassagamikku.

Aaqqiissutissat siunnersuut – suliatigut naliliineq

James S Catteral - University of California-meersup ukiut aqqaneq-marluk ingerlanerini atuartut malinnaaffigisimavai qitinnermi, isiginnaartitsinermi, nipilersornermi assilialiornermilu annikitsuaqqamik ilinniartinneqartartut. Meeqqat ilinniartitsissutini kusanartumik takutitsinissamik siunertaqartuni immikkut ilinniartinneqartartut kingusinnerusukkut inuunerminni pitsaanerusunik angusaqartarsimapput, taamatut ilinniartinneqartarsimanngitsunut naleqqiullugit. Taakkuusimapput qaffasinnerusunik ilinniagaqalersartut, kajumissuseq tunngavigalugu suleqataarusussusermik takutitsisartut amerlanerusunillu ikinngutillit.

Nipilersorneq, qitinneq assilialiornerlu aqutigalugit, namminneq isummersuutigisaminnik meeqqat immikkoortiterisarput pilersitsisarlutillu, amerlasuutigullu allanik peqateqarlutik.

Tasiilami tivanermik ilinniartitsinerup atuutilersinneratigut immaqa atuartut kusanartumik takutitsinissamik siunertaqarluni ilinniagassinneqarnermikkut immikkut pissarsiaqaatigisinnaavaat.

Aningaasaqarnikkut sulisoqarnikkullu naliliinerit

Soqanngilaq

Inatsisitigut tunngavissaq allakkallu tunngaviusumik uppersaatitallit

Suleqatigiinnissamik isumaqatigiissummi anguniagassatut siunniussaq: "Tunamiut tivariaasiannik ilinniartitsineq nipilersornermik/erinarsornermik ilinniartitsinermut ilaatinneqassaaq".

Ingerlariaqqinnissaq

Ilinniartitsineq ukiumi atuarfiusumi 19/20-mi atuarfimit nalilersuiffigineqassaaq, pitsannguutaasinnaasullu aallartinneqarlutik.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik oqaaseqartinneqanngilaq.

Innuttaasunik peqataatitsineq/Attaveqaqatigiinneq

Innuttaasunik peqataatitsisoqanngilaq

Ingerlatsivinnit allanit oqaaseqaatit

Soqanngilaq

Ilanngussat

1. Tivanermik ilinniartitsinermi najoqqutassat

Punkt 4: Aalajangiiffigisassat

**Punkt 5: Suliat Aningaasaqarnermut Inuussutissarsiornermullu
Ataatsimiititamut**

Punkt 05A: Tapiiffigitinnissamut malittarisassat nutarternissaannut siunnersuut

Beslutning

Ataatsimiititap siunnersuutit sorliit akuerineqassanersut aalajangiutinngilaa suliarlu Aningaasaqarnermut Inuussutissarsionermullu Ataatsimiititamut aalajangigassanngortillugu ingerlatseqqippaa kiisalu Kommunalbestyrelsimut inaarutaasumik aalajangiiffigineqartussanngorlugu ingerlateqqillugu.

Bilag

Bilag 1- Forslag-1-Fornyelse-tilskudsregler-alm 22923_KAL.docx

Bilag 2 - Forslag-2-Fornyelse-af-tilskudsregler-1-november_22923_KAL.docx

Bilag 3 - Forslag-3-Fordelings-eksempler-i-fordelingsnøgleprincip-KAL.docx

Bilag 4 - Tilskudsregler pr 1 april 2014 DA (3).pdf

Bilag 5 - Høringssvar fra december 2017.docx

Bilag 6 - Høringssvar fra august 2018.docx

Tapiiffigitinnissamut malittarisassat nutarternissaannut siunnersuut

Susassaqartitsineq aamma timersorneq

Aalajangiiffigisassaq

J. nr.: 55.02

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Tapiiffigitinnissamut malittarisassat maanna atuuttut maajip qaammataani 2014-meersut allanngortinnissaannut Meeqqanut Atuarfeqarnermullu Ingerlatsivik siunnersuusiorpoq. Allannguuteqarnissamut siunnersuuteqarneq ilaatigut inatsimmi allannguinnermit tunngaveqarpoq, matumani innersuussutigineqarpoq Kulturikkut ingerlatsineq sunngiffimmilu sammisassaqartitsineq pillugit Inatsisartut inatsisaat nr. 5, 6. juni 2016-imeersoq peqatigiiffiillu allaffissornikkut suliaqartarnerat annikinnerpaaffianiitillugu.

Tamanna tunngavigalugu Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititap tapiiffigitinnissamut malittarisassanut siunnersuutit pingasut akornanni arlaat isummerfigissagaa inassuteqaatigaa.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- Susassaqartitsinermut timersornermullu tapiiffigineqarsinnaanermut malittarisassaasinnaasunut siunnersuutit pingasuusut akornanni Meeqqanut Atuarfeqarnermullu Ataatsimiititap isummerfigissagaa, Ingerlatsivimmillu siunnersuut nr. 3 innersuussutigineqarpoq.
- Meeqqanut Atuarfeqarnermullu Ataatsimiititap suliaq Aningaasaqarnermut Inuussutissarsiornermullu Ataatsimiititamut aamma Kommunalbestyrelsimut akuersissutigisassanngorlugu ingerlateqqissagaa

Suliassamik saqqummiussineq

Susassaqartitsinermut timersornermullu tapiissuteqarnermut malittarisassat nutarterneqassasut Meeqqanut Atuarfeqarnermullu Ingerlatsivimmit aalajangiunneqarpoq. Siunertaavoq ilaatigut peqatigiiffiit allaffissornermik suliaqarnerata annikillisaaffiginissaa.

Tapiiffigitinnissamut malittarisassat innuttaasunut peqatigiiffinnullu Meeqqanut Atuarfeqarnermullu Ingerlatsivimmit pingasoriarlugit tusarniaassutigineqarput. Tusarniaaneq siulleq nalinginnaasumik tusarniaaneruvoq, tassanilu malittarisassat naleqqussarnissaannut siunnersuutissaqartoqaruni soqutigisaqaqatigiit siunnersuuteqaqquneqarlutik. Tassani katillugit tusarniaassummut akissuteqaatit pingasut ingerlatsivimmit tiguneqarput. Tusarniaanerit aappaat malittarisassanut agguasseriatsimut tunngasuvoq tassanilu tusarniaassummut akissutit ingerlatsivimmit tiguneqartut 11-pput. Naggataatigullu tusarniaanerit pingajuat ingerlanneqarpoq, tassanilu ingerlatsivik sukumiisunik pingasunik siunnersuuteqarpoq tusarniaassummullu akissutit marluk ingerlatsiviup tigullugit.

Allannguutissatut siunnersuutit pingasut tassaapput:

Siunnersuut 1:

Maannakkut tapiissuteqartarnermut malittarisassat allanngortinnagit ingerlaannassasut. Tunngaviatigut ukioq kaajallallugu timersornikkut unammuaarnernut tapiiffigineqarnissamut peqatigiiffiit qinnuteqarsinnaapput. Qinnuteqarnermi billetsit inniminnernerat uppersaatit

ilanngunneqartassapput, sullissinerlu ullut tallimat sinnerlugit sivissuseqarpat, pitsaannequtigisinnaavaa angalanissamut inniminniinerit peqatigiiffinit annaaneqartut, tassami ullut tallimaatinnagit angalatitseqatigiiffinni malittarisassat malillugit akilerneqareersimasussaagamik. Siunnersuut 1 naapertorlugu Peqqinnermut Susassaqtitsinermullu Immikkoortortaqruiup tapiiffitinnissamut malittarisassat najoqqutassartai attatiinnarpai, taamaattumik malittarisassat allanngunngingajapput, taamaattoq ataasiakkaat eqqaassanngikkaanni ataanilu erseqqissarneqarput.

Tapiiffitinnissamut malittarisassat allanngortinneqarnissaannut siunnersuut 1:

- Meeqqanut pinerluuteqarsimannginnermut uppersaateqarnissaq malittarisassani ilaatinneqarpoq. Sungiusaasunik sulisoqalernerimi meeqqanik pinerliisimannginnermut uppersaatit peqatigiiffit pissarseqqaassasut pisussaaffiliisoqarpoq, tassa Meeqqanik pinerliisimannginnermut uppersaatit piumasaqaateqartussaataaneq pillugu Inatsisartut inatsisaata allanngortinnera pillugu Inatsisartut inatsisaat nr. 7, 3. juni 2015-imeersoq. (Atuuffiata annertusinera).
- Inuit ataasiakkaat nammineq akilikkaminnik najugarisartik qimallugu pikkorissartunut peqataajartornerannut tunngasoq – tapiissuteqarnermut malittarisassanit peerneqarpoq. Pissutigalugu pikkorissarnerit inatsisitigut tapersorsorneqarsinnaannginnamik, pissutigalugu pikkorissarnerit piginnaasaqarnerulernissanut tunngasuummata, Kulturikkut ingerlatsineq sunngiffimmilu sammisassaqtitsineq pillugu Inatsisartut inatsisaat nr. 5, 6. juni 2016-imeersoq innersuussutigineqarpoq.
- Tapiiffineqarnissamut malittarisassaniit oqaatsit pillugit pikkorissarnissamut periarfissat peerneqarput, pikkorissarnernut tapiisarnerit pillugit tunngavilersuutaa assigaa.
- Erinarsoqatigiinnermut tunngatillugu, § 8.1, 8.2 aamma 8.3 tapiissuteqarnermut malittarisassanit peerneqarput. Matumani erinarsoqatigiinneq sammisassaqtitsinerugami peqatigiiffittulli allatut periarfissaqartinneqassallutik, siunnersuut 1 innersuussutigalugu.
- Pequtinik atortussanillu pissarsineq malittarisassanit peerneqarput, pissutigalugu qaqutigut atorneqartaramik.
- Pokalinik pisinissamut tapiissutit amerlanerpaamik 5.000 koruuninngortinneqarput. Sakkortuumik timersuutitut tapiissuteqartarpeq pillugu amerlanerpaamik angalanermut uterlugulu billetsip affaa tapiiffineqartarpoq. Maanna tapiissutit allanngortinneqarput peqataasumut ataatsimut 1.500 koruuninngortinneqarlutik, matumani sakkortuumik timersuutit peqataaffineqartarnissaannut soqutiginnittut amerliartorneri pissutaapput.

Pitsaaqutit: Periarfissat killilersuinerillu pioreersut peqatigiiffinit ilisimaarineqarput, taamaattumik allannguut una paasinarluarpoq.

Akorngutit:

Billetsit neqeroorutit akillu pissarsiarereernerisa kingorna angalatitsisartut piffissaliussaata ullut tallimaasut peqatigiiffinit malinniarneqarnissaat ajornakusoortinneqassaaq. Pissutigalugu peqatigiiffit uppersaatissarpasuummik allakkanik Kommuneqarfik Sermersuumut tunniussisussaagamik. Misilittakkat najoqqutaralugit uppersaatit tamakkuninnga paarlaasseqatigiittarneq peqatigiiffinut ilungersunartarpoq, pissutigalugu paasissutissat arlallit amigartarmata. Taamatut suliaqarnerinnaq siviisarpoq. Peqatigiiffit ulapileruttormik nalaani qinnuteqaateqartarput sullissinertaalu siviissinnaalluni.

Kattuffit immikkut ittut arlallit GM allallu pillugit siviissumik pilersaarusiorsinnaaneq ajorput. Taamaattoqarneratigut peqatigiiffit angalanissaminut allanullu aningaasaqarniarnerannut nalornisoortitsivoq.

Tapiissutit amerlanerpaat angalanernut atorneqartarput. Peqatigiiffit mikinerusut angalanissaminut tapiissutisineq ajorput, taamaallaat tapiissutimininnguit peqatigiiffiup ilaasortaanut atugassanik qinnuteqartoqarsinnaavoq, soorlu ilaasortamut ataatsimut 100 kr..

Peqatigiiffiit namminneq aalajangerneq ajorpaat tapiissutit sumut atussanerlugit. Peqatigiiffiit namminneq najugaqarfimminni nalinginnaasumik ineriartortitsinissaminnut tapiissutisineq ajorput. Peqatigiiffiit taamaalisut suli angalatitseqatigiiffiit piffissaliussa at naammassisinnaangilaat allatullu ajornartumik immaqa aningaasartuuteqartariaqartassallutik, peqatigiiffiillu tamarmik taamaaliorinnaangillat.

Allaffeqarfimmit ilassutitut aningaasaliisoqarnissaanik qinnuteqartoqaratarsinnaavoq, ilaatigut peqatigiiffiit immikkut pineqarnissaat pinngitsoortinniarlugu ilaatigut kingusinnerusukkut peqatigiiffiit allat eqqarsaatigalugit GM-ertitsinissaq peqputaalluni. Matumani angalanernut tapiissutit procentitai allanngortinneqassanngitsut eqqarsaatigineqarput.

Siunnersuut 2:

Tapiissuteqartarnermut siunnersuut 2 siunnersuut 1-imi periuseq assigaa, taamaattoq peqatigiiffinnut tamanut qinnuteqarnissamut piffissaliunneqartoq aningaasat atorpeqarnissaannut ukiumik ataatsimik sioqutsisitsilluni novembarip ulluisa aallaqqaataanut killilerneqarpoq. Aningaasat januaarip aallartinnerani agguaanneqassapput. Siunnersuutip pitsaaqutigivaa, peqatigiiffiit sammisaqarnissatik namminneerlutik pilersaarusiorsinnaalissagaat, soorlu procenti aalajangersimasoq naapertorlugu tapiiffigineqarnissatik peqatigiiffiit/qinnuteqartut tamarmik naatsorsuutsittassasut. Tamatuma saniatigut billetsinik piffissaq eqqorlugu akiliisarnissamut peqatigiiffinnut ajornaallisataassaaq.

Pitsaaqutit: Tapiiffigitinnissamut siunnersuut 2-p pitsaaqutigissavaa periarfissat killilersuinerillu pioreersut peqatigiiffinnit ilisimaarineqariissammata, taamaattumik allannguut paasiuminarluassaaq.

Pitsaanngequtaa peqatigiiffiit tamarmik novembarip ulluisa aallaqqaataanni siumungaaq GM-imik ingerlatsisinnaanissamik nalunaarutiginnissaanut periarfissaqarnaviannnginnerat. Matumani peqputaavoq kattuffiit immikkut ittut ukiup tulliani GM-imik ingerlatsinissamut sumiiffimmik ulluliinissamillu piareersimatitsinaviannngimmata tamatumalu saniatigut finalernissanut anngunniunnerit ingerlateqqartussaallugit. Peqatigiiffiit naatsorsuutigisamit ikinnerusunik imaluunniit amerlanerusunik tapiissutiseratarsinnaapput. Taamatut pisoqartillugu Meeqqanut Atuarfeqarnermullu Ingerlatsivik aningaasaateqanngitsoorluni inissimaleriataarsinnaavoq. Novembarip ulluisa aallaqqaataanniit qinnuteqartunut aningaasaliissutaasut tamaasa atorpeqassappata, angalanissanut imaluunniit sammisassaqtitsinernut naatsorsuutaanngitsunut ingerlatsivik tapiisinnaassanngilaq

Siunnersuut 3:

Tapiiffigitinnissamut malittarisassatut siunnersuut 3 peqatigiiffinnut ingerlatsinikkut tapiissutit tunniunneqarnerini pingaarnertut agguaassassat. Aningaasaliissutit katillugit tapiissutitut peqatigiiffinnut ataasiakkaanut naatsorsoriarlugit tapiissutigineqassapput, tassani peqatigiiffinnut ukiuni kingullerni pingasuni tapiissutaasimasut agguaqatigiisillugit tunngavigineqassapput.

Siunnersuutip pitsaaqutigivaa peqatigiiffiit tamarmik tapiiffigineqartassammata, aamma peqatigiiffiit mikinerit angalanissamut tapiiffigineqarneq ajortut tapiiffigititalissapput tapiissutillu namminneq aquttalissavaat. Peqatigiiffinni tamani peqatigiiffilerinermi ineriartortitsinissamut atugassarititaasut assigiilissapput. Tapiiffigitinnissamut malittarisassatut siunnersuut 3 akuersissutigineqassappat, ukiup missingersuusiorfiusup aallartinnerani peqatigiiffiit paasitinneqassapput tapiissutissaat qanoq amerlatigissanersut aamma taamaalillutik sammisassaqtitsinerit siunissami pisussat pilersaarusiorsinnaanngorlugit. Aaqqiissut una atorlugu peqatigiiffiit siunissami missingersuutit namminneq aqussinnaassavaat ilaatigut katersuillutik peqatigiiffilerinermilu anguniakkamik angunissaannut aningaasat atorlugit. Tapiiffigitinnissamut malittarisassatut siunnersuut 3-mi Kommuneqarfik Sermersuup ukiumut missingersuutit naatsorsuutaannik Peqqinnermut

Susassaqtitsinermullu Immikkoortorta qarfimmu maajip ulluisa aallaqqaataanni tunniussisarnissaa qulakkeerneqarpoq. Peqatigiiffiit allaffissornerat annikinnerulissaaq. Peqatigiiffiit suliassatik pingaernerit piffissaqarfignerulissavaat. Allaffeqarfimmi sullissineq ullunik 30-nik sivissuseqassanngilaq, taamaalillutik peqatigiiffiit Kommuneqarfik Sermersooq utaqqisassanngilaat.

Pitsaanngequtigissavaa peqatigiiffiit ilaat siusinnerusumut naleqqiullugu annikinnerusunik tapiiffigineqartalissammata, pissutigalugu peqatigiiffiit tamarmik eqqarsaatigalugit aningaasat agguataarneqassammata. Peqatigiiffik arlalinnik immikkoortorta qareersoq taamaalilluni tapiissutinik immikkoortortaminut agguaaassisalissaaq.

Aaqqiissutissatut siunnersuut – suliatigut naliliineq

Tusarniaassummut akissutit tunniunneqartut pitsaaqutit, ajoqutit kingunerisassaalu maanna Meeqqanut Atuarfeqarnermullu Ingerlatsivimmit ataatsimoortinneqarput. Tusarniaassummut akissuteqaataasut tunngavigalugit tapiiffigitinnissamut malittarisassat allangortinneqarneri eqqarsaatigalugit peqatigiiffinnit assigiinngitsunik isumaqarfigneqartut ingerlatsivimmit paasineqarpoq. Peqatigiiffiit ilaasa siunnersuut 3 piumaneruaat, tassanilu pissartanngorniuttunut peqataanissamut tamatigut aningaasanik qinnuteqartariaqannginneq tunngavilersuutigaaq.

Ilaat isumaqarput siunnersuut 3 naapertorlugu aningaasat agguataarneranni naligiittoqanngitsoq, taakkulu siunnersuut 1 imaluunniit 2 piumanerullugu, ilaatigut ukiumiit ukiumut pissartanngorniunnerit sumiiffiisa assigiinngitsuusarnerat tunngavilersuutigalugu. Ingerlatsivimmiit ilisimaneqartoq aamma tassaavoq, pioreersut allangortinneqarnerat peqatigiiffiit/innuttaasut assigiinngitsunik malugiumaaraat. Taamaattumik agguariaatsip peqatigiiffiit ilaannit naammagineqartuaannannginnissaa ilisimaarilluinnarneqarpoq.

Peqatigiiffiit nutaat ukiup missingersuusiorfiusup ingerlanerani pilersinneqarsinnaasut ingerlatsivimmit ilisimaarineqarpoq. Tamakkulu piareersimaffiginialugit 250.000 koruunit ingerlatsivimmit immikkoortinneqarput. Aningaasanik atunngitsuukkanik peqassagaluarpat peqatigiiffinnut agguataarneqassapput. Ilanngussaq 3 innersuussutigalugu.

Aningaasaqarnikkut sulisoqarnikkullu naliliinerit

Timersornermut tapiissutitut aningaasartuutit 2,7 millioniupput. Siunnersuut 1 naapertorlugu ukiup ingerlanerani tapiissuteqarnermut malittarisassani akigititap allangortinnissaa periarfissaassaaq, akerlianillu siunnersuut 2 aamma 3 naapertorlugit ukiup aallartinnerani aningaasaqarnermut tunngasut pitsaanerusumik malinnaaffigineqarsinnaallutik.

Inatsisitigut tunngavissaq allakkallu tunngaviusumik uppersaataitallit

Kulturikkut ingerlatsineq sunngiffimmilu sammisassaqtitsineq pillugit Inatsisartut inatsisaat nr 5, 6. juni 2016-imeersoq

Ingerlariaqqinnissaq

Tapiiffigitinnissamut malittarisassat akuersissutigineqartut 1. januaari 2019-imi atuutilissapput. Allanguutit kommunip nittartagaatigut nalunaarutigineqarpata peqatigiiffiit tamarmik ilisimatinneqassapput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfiup malittarisassat ullutsinnut naleqquttut innersuussutigivai – tassani qaffasissuseq annerpaaq kommunalbestyrelsimit immikkoortinneqarnissaanut periarfissaalerluni – ilaatigut tapersorsorusutat eqqarsaatigalugit. Maannakkut malittarisassat malillugit aningaasaliissutit malinneqarnissaat qularnartarpoq.

Innuttaasunik peqataatsineq/attaveqaqatigiinneq

Arlaleriarluni tusarniaasoqarpoq.

Tusarniaaneq 2017-imi decembarip ulluisa sisamaanni naavoq

Tusarniaaneq 2018-imi aggustip ulluisa aallaqqaataanni naavoq

Tusarniaaneq 2018-imi septembarip ulluisa 27-anni naavoq

Ingerlatsivinnit allanit oqaaseqaatit

Soqanngilaq

Ilanngussat

Ilanngussaq 1 – Tapiissuteqarnermut malittarisassatut siunnersuut 1

Ilanngussaq 2 – Tapiissuteqarnermut malittarisassatut siunnersuut 2

Ilanngussaq 3 – Tapiissuteqarnermut malittarisassatut siunnersuut 3

Ilanngussaq 4 – Susassaqartitsinerup timersorerullu iluani tapiissuteqarnermut malittarisassat maanna atuuttut

Ilanngussaq 5 – 2017-imi decembarimit tusarniaassummut akissutit

Ilanngussaq 6 - 2018-imi aggustimit tusarniaassummut akissutit

Ilanngussaq 7 – 2018-imi septembarimit tusarniaassummut akissutit

Punkt 6: Evt.

Beslutning

Ataatsimiitami ilaasortat imminnut Ingerlatsivimmilu isertuaatsumik ingerlatsisoqarnera suleqatigiilluartoqarneralu pillugit qujapput.

Juullisiorluarnissassinnik ukiumilu nutaami iserluarnissaminnik kissaassillutit.

Punkt 7: Suliat matoqqasut

Punkt 07A: Lukket

Punkt 8: Imaqarniliap akuerineqarnera

Beslutning

Imaqarniliaq akuerineqarpoq 16:57